



Na osnovu člana 22 Statuta Brčko distrikta BiH („Službeni glasnik Brčko distrikta BiH“, broj 2/10 – prečišćeni tekst), člana 94 Zakona o budžetu Brčko distrikta Bosne i Hercegovine („Službeni glasnik Brčko distrikta Bosne i Hercegovine“, brojevi: 34/19 i 22/23), člana 12 Zakona o izvršenju Budžeta Brčko distrikta Bosne i Hercegovine za 2024. godinu („Službeni glasnik Brčko distrikta Bosne i Hercegovine“, broj 1/24), člana 64 Poslovnika o radu Skupštine Brčko distrikta BiH („Službeni glasnik Brčko distrikta BiH“, broj 54/18 – prečišćeni tekst i brojevi: 17/20 i 24/20) i Prijedloga odluke Vlade Brčko distrikta BiH, broj predmeta: 02-000026/24, broj akta: 01.11-0323SR-002/24 od 14. 2. 2024. godine, Skupština Brčko distrikta BiH, na I. nastavku 56. redovne sjednice održanom 27. marta 2024. godine, donosi

ODLUKU

O ZADUŽENJU BRČKO DISTRIKTA BOSNE I HERCEGOVINE KOD SVJETSKE BANKE – MEĐUNARODNA BANKA ZA OBNOVU I RAZVOJ (IBRD) ZA FINANSIRANJE „PROGRAMA INTEGRISANOG RAZVOJA KORIDORA SAVE I DRINE PRIMJENOM VIŠEFAZNOG PROGRAMSKOG PRISTUPA“

Član 1

Ovom odlukom zadužuje se Brčko distrikt Bosne i Hercegovine kod Svjetske banke – Međunarodna banka za obnovu i razvoj (IBRD) u iznosu od 25.000.000,00 EUR za finansiranje projekata kroz „Program integrisanog razvoja koridora Save i Drine primjenom višefaznog programskog pristupa“.

Član 2

Iznos novčanih sredstava po osnovu zaduženja iz člana 1 ove odluke je namijenjen za finansiranje sljedećih projekata:

1. Zatvaranje deponije smeća – 7.000.000,00 EUR;
2. Izgradnja centra za upravljanje čvrstim otpadom – 7.500.000,00 EUR;
3. Regulacija dijela toka kanala Blizna u Brčko distriktu Bosne i Hercegovine – 350.000,00 EUR;
4. Regulacija i čišćenje dijela toka rijeke Brke uzvodno od mosta na Kožari u Brčko distriktu Bosne i Hercegovine – 4.000.000,00 EUR i
5. Šetalište i biciklistička staza uz desnu obalu rijeke Save dužinom Brčko distrikta Bosne i Hercegovine – 6.150.000,00 EUR.

Član 3

Uslovi pod kojima se Brčko distrikt Bosne i Hercegovine zadužuje su sljedeći:

- b) Ukupan iznos zajma: 25.000.000,00 EUR;
- c) Rok otplate zajma: 33 godine;
- d) Grace period: 7 godina;
- e) Otplata zajma: 26 godina, polugodišnje;
- f) Kamatna stopa: referentna stopa (6-mjesečni EURIBOR) plus varijabilna marža, uz opciju fiksiranja referentne stope;
- g) Provizija na raspoloživa, a nepovučena sredstva: 0,25% godišnje;
- h) Jednokratna provizija: 0,25% iznosa zajma.

Član 4

Nakon usvajanja ove odluke gradonačelnik Brčko distrikta Bosne i Hercegovine potpisuje Supsidijarni sporazum između Bosne i Hercegovine i Brčko distrikta Bosne i Hercegovine, kao i Projektni sporazum između Međunarodne banke za obnovu i razvoj (IBRD) i Brčko distrikta Bosne i Hercegovine.

Član 5

Sastavni dio ove odluke su:

- Zaključak Vlade Brčko distrikta Bosne i Hercegovine o inicijativi za pokretanje postupka finansiranja projekata kod Svjetske banke, broj predmeta: 13-000814/21 od 12. 5. 2021. godine,
- Inicijativa za pokretanje postupka za zaključivanje ugovora po finansiranju, broj: 13-000814/21 od 24. 5. 2021. godine,
- Sporazum o zajmu (dodatno finansiranje za Program integrisanog razvoja koridora Save i Drine primjenom višefaznog programskog pristupa) između Bosne i Hercegovine i Međunarodne banke za obnovu i razvoj.

Član 6

Ova odluka stupa na snagu danom donošenja i bit će objavljena u Službenom glasniku Brčko distrikta Bosne i Hercegovine.

Broj: 01-02-1731/24

Brčko, 27. 3. 2024. godine

PREDSJEDNIK
SKUPŠTINE BRČKO DISTRIKTA BiH
mr. sci. Siniša Milić